



UNIVERSITÄTS-
BIBLIOTHEK
PADERBORN

**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz

Ingolstadii, 1726

§. V. De Reprobatione Testium.

[urn:nbn:de:hbz:466:1-74990](#)

receptæ sunt, in publicationem illarum consensit. Vivian, in c. 30. h. tit. Ratio est, quia hoc cederet in præjudicium ipsis

partibus, quæ amplius producere testes super illis articulis non possent.

S. V.

De Reprobatione Testium.

S U M M A R I U M.

- 132. Que Exceptiones opponi possint contra personas testium?
- 133. Contra Examen illorum?
- 134. Contra dicta?
- 135. Cumulari possunt Exceptiones iste.
- 136. An Exceptio opposita contra testes impediat receptionem illorum?

- 137. Exceptiones.
- 138. Quoniam licet reprobare testes?
- 139. Modus servandus in illorum reprobatione.
- 140. An possit quis reprobare testes a se produclos?

Reprobatio Testium fit Excipiendo. Hinc
Quæritur 1. quotuplicis generis
Exceptiones fieri contra testes pos-
sint? 2. adversus illos, ut su-
pra n. 128. innui, triplici ex capite posse ex-
cipi, videlicet contra personas testium, con-
tra examen illorum, & contra ipsorum di-
cta.

Contra Personas testium excipitur op-
ponendo non esse idoneas ex his capitibus,
quæ à n. 2. enarrata sunt: hinc nihil de ijs
hic attinet dicere. Solùm noto, quan-
do pars adverba nihil contra personam testis
opponti, stari illius depositioni, etiamsi
fortè contra illam excipi potuisset, ut bene
notat Haun. tom. 5. tr. 4. n. 191, censetur
enim favori pro se introducto renuntiare.
Excipe 1. si vitium illud non utilitatem par-
tis privatam, sed publicum Jus concernat;
nam'ea, quæ sunt Juris publici, privatorum
partis remitti nequeunt. 2. Si vitium
invincibiliter ignoretur; nam in casu talis igno-
rantiæ etiam contra vitium, quod privatam
solummodo partis utilitatem concernit, ex-
cipi potest. 3. Si post productionem
nova causa supervenerit, ob quam redda-
tur inhabilis, quæ ante non suberat.

Contra Examen testium excipi potest
pluribus modis, quos notat Hiltrop. Pro-
cess. Jud. p. 3. tit. 9. c. 6. à n. 3. Et 1.
quidem, quod à Judge incompetentis sint
examinati, e.g. Clericus à Judge sœcula-
ri fine permisso Superioris. 2. Quod
testes producti, & recepti sint ante con-
testationem liti: intellige, si sine justa causa
hoc factum sit. 3. Quod recepti sint
adversa parte non citata. 4. Quod non
juraverint de dicenda veritate. 5. Quod
admissi sint ad testificandum post triNam
productionem sine solennitate Legali. 6.
Quod recepti post didicita testificata. 7.
Post elapsas dilations ad probandum con-
cessas. 8. Post renuntiationem probatio-
num factam à partibus. 9. Post con-

clusionem in causa. 10. Quod non secre-
tò, sed omnes simul testimonium dixerint.
Hæc enim omnia, ut ex dictis à n. 93. con-
stat, solennitati Examini obstant.

Contra dicta testium varia rursum op-
poni possunt, ut ostendit idem Hiltrop. l.
cit. à n. 123. 1. Quod testis deponens
non reddiderit rationem sui dicti idoneam.
2. Quod vacillet, & variet. 3. Quod
dubitatively, vel obscurè, & confuse testimoni-
num dixerit. 4. Quod dicta illius, vel
illorum inter se sint contraria, vel diversa.
5. Quod deponant sub eadem verborum
forma; quia præmeditatum sermonem
afferre videntur. 6. Quod depositio illo-
rum sit negativa, non coartata ad locum,
& tempus, licet facile sit coartabilis; nam
testis ita deponens suspectus est de falsi-
tate. 7. Quod contrarieatur confessioni
partis eum producentis. 8. Quod non
habeat scientiam rei, sed deponat tantum de
credulitate, vel de auditu alieno, eoque au-
thores habeat, quibus, si ipsi deponerent,
non crederetur. 9. Quod deponat, &
dicat inverisimilia, i. e. talia, quæ vel ita se
habere, vel testis scire moraliter vix potest.
v. g. si homicidium in tenebris factum sit, &
testis dicat, quod ex visu homicidam optimè
noverit. 10. Quod testis sit nimis ver-
bosus, & deponat extra Articulum; nam
nimia verbositas facit testem suspectum de
subornatione, vel magna affectione erga
producentem. 11. Quod sit testis sin-
gularis. 12. Quod se referat ad de-
positionem invalidam. 13. Quod in
uno articulo deposuerit falsum. 14.
Quod deposuerit in scriptis &c.

Porro in casu, ubi ratione expressæ, vel 133
tacitæ admissionis excipi contra testium per-
sonas nequit, adhuc tamen excipi potest
contra eorundem dicta, & examen. Inde
possunt aliquando simul, & semel exceptio-
nes fieri ex omnibus his tribus capitibus.
Consultius tamen est, ut prius dicta impug-
nentur, quam personæ: unde Everhardus Ad-

vocatos monet, ut tum demum ad reprobationem personarum pergant, quando viderint testimonia illorum aliter infringi non posse. *Excipitur*, si persona testis notoriè sit inhabilis; tunc enim si Judex ex officio eum non repelleret, ad lites abbrevandas quandoque expeditius foret reprobare statim ejusmodi testis personam.

¶36 Quæritur 2. an, & quando Exceptio opposita contra testes impediat eorum receptionem? R. ordinariè non impedire eorum receptionem, & examinationem; sed questio illa de inhabilitate testis opposita in finem litis reservari potest, ut sumitur ex Auth. si testis C. b. tit. & docet ibidem Bartol. n. 3. Gloss. in c. 7. V. infames tit. eod. Abb. ibid. n. 3. Felin. n. 12. Macard. de probat. concl. 695. an. 1. Farin. prax. q. 62. an. 350. Pirk. hic n. 247. Ratio est, quia fortasse in progressu litis patebit, quod Judex etiam sine eorum testium, de quorum inhabilitate opponitur, depositionibus ex alijs probationibus sententiam ferre possit, adeoque frustra disputaretur de habilitate illorum testium.

¶37 Procedit autem hoc regulariter; nam plures limitationes istius doctrina afferrunt Menoch. de arbitr. cas. 239. à n. 7. Macard. l. cit. à n. 3. Farin. à n. 357. Pirk. n. 248. Et duob. seqq. 1. quidem, si testi objiciatur crimen, vel defectus, qui aut notorius est, aut talis faltem, ut in continenti probari possit. ex parte 7. b. tit. 2. si contra testes, quibus opponuntur exceptio, sit presumptio Juris, ut si testi contra te producendo opponas ipsum esse servum, adeoque inhabilem ad testificandum, testis autem fateatur hoc, sed dicat se manumissum esse à domino; cum enim manumissio potius non facta, quam facta presumatur à Jure, in continenti probari debet à teste, & eousque differetur ejus receptio. Auth. si testis cit. 3. si opponatur contra testem, quod sit capitalis inimicus illius, adversus quem producitur; quia hic audiri non debet, antequam de inimicitia judicetur Auth. cit. §. si vero. 4. si objiciatur testi, quod sit Excommunicatus vitandus ob periculum communionis c. pia 2. de except. in 6. 5. si testes sint infirmi, senes, diu absunt &c. ut periculum sit, ne si differatur illorum examen, examinari postea non amplius possint.

Extra hos casus, ut communiter DD. notant, plerumque est in arbitrio Judicis, an Exceptiones contra testes oppositas reservare velit in finem litis, vel non.

¶38 Quæritur 3. quoque licitum sit reprobare testes? R. licet reprobare testes probatorios, & horum reprobatorios, sed reprobatorios reprobatoriorum reprobare, si alios contra hos testes producere non amplius est concessum. Ita statuitur c. licet dilectus 49. b. tit. & notat Gloss.

ibid. V. quos, Abb. n. 1. Laym. n. 1. Bartol. n. 1. Vall. hic §. 3. n. 17. Zœf. n. 18. Pirk. n. 251. Wiest. n. 103. Sistitur autem in reprobatione reprobatoriorum, nec permittitur, ut reprobatorij reprobatoriorum reprobentur peralios testes, ne sc. detur processus in infinitum, sed sit aliquis litium finis.

Neque obstat Reg. 32. in 6. qua præcipit, ut in Judicio inter actorem, & reum servetur æqualitas; nam adhuc servatur æqualitas: Vel enim solus Actor producit testes probatorios super causa principali, vel etiam Reus. Si secundum, siue reus potest reprobare testes actoris probatorios, & reprobatorios, ita etiam actor rei. Si primum, ipse reus in causa fuit, quod testes probatorios super causa principali non produxerit, quos si produxisset, potuerint hi reprobari ab actore per alios testes, illi autem denuo reprobari à reo. Unde utrius tam actori, quam reo vel actu, vel potentia licet reprobare probatorios Adversari, & simul reprobatorios testium à se productorum; nulli autem reprobare licet reprobatorios reprobatoriorum.

Dixi autem per alios testes; nam reprobatio testium secundò reprobatoriorum fieri ulterius potest per Instrumenta, ut notant Haun. tom. 1. tr. 4. n. 193. Pirk. hic n. 253. & alij. Neque obstat c. licet cit. quia ibi prohibetur solum tertia reprobatio per testes; instrumenta autem in materia odiosa, qualis haec est, non veniunt nomine testum, aut vicissim testes nomine Instrumentorum.

Quæritur 4. quis sit modus servandus in reprobatione testium? R. hic in duobus consistit, ut colligitur ex c. presentium 2. ¶. testes b. tit. in 6. & docet ibidem Vivian. in Ration. Pirk. à n. 254. cum alijs. Primum præstari debet universim à quoque, qui reprobare contendit testes five probatorios, five reprobatorios reprobatoriorum. Alterum fieri solum debet à reprobato reprobatorios.

Illi d. est, ut crimina, alijque defectus contra testes objecti, item nomina testium, tum eorum, quos reprobare, tum illorum, per quos reprobare testes intendit, specificè exprimantur à reprobato reprobatores. Ratio est, quia alias possit variare, & committere fraudem ad protrahendum negotium in infinitum. Debet igitur Positionem facere in hunc modum: Intendo probare tales testem adulterum esse, quia tales uxorem talis viri publicè habuit pro concubina, Et hoc probare volo per testes A. B. C. & sic de singulis.

Posterior, quod solum concernit eum, qui reprobare intendit testes reprobatorios probatoriorum à se productorum, est, ut præstet Juramentum, quod ad reprobationem hanc non procedat malitiosè.

Ratio

Ratio autem, quare Juramentum exigatur in secunda reprobatione testium reprobatoriorum, non autem in prima probatoriorum, est, quia contra eum, qui reprobatorios vult denuo reprobare, est major præsumptio, quod id agat ex malitia, quam contra eum, qui tantum vult reprobare probatorios; de priore enim periculum est, ne quasi provocatus se velit ulcisci ob reprobatam fidem testium probatoriorum à se productorum.

Verum hæc res potissima ex parte ex Judicis pendet arbitrio; nam & in prima reprobatione, si ita expedire videbitur, juramentum potest exigere à reprobatores testes. *Excipe, nisi sit Judex Delegatus v. g. à Papa, ut contigit in casu c. presentium cit. is enim debet servare mandatum delegantis.*

Quæritur 5. an possit quis reprobare testes à se productos? 6. non posse eos reprobare, sive excipiendo repellere, tanquam inhabiles. Ita habetur l. *siquis 17. C. b. tit. & docet Gloss. ibid. V. excipere, Laym. in c. 31. b. tit. n. 4. Haun. tom. 5. tr. 4. n. 319. Pirk. bīc n. 258.* Proceditque hoc, sive sit in eodem, sive in diverso Judicio. *Ratio est*, quia producendo testes videtur approbasse eorum personas, licet inhabiles, & quos approbavit pro se, etiam debet admittere contra se *juxta reg. 21. in*

6: quod semel placuit, amplius displicere non potest; & aliam communem apud Jurisperitos: *Qui approbavit personam ad certum actum, vel officium, non potest deinde eandem reprobare, tanquam inhabilem ad idem officium, vel confimile.*

Dua tamen facienda Exceptions sunt. 1. Si causa reprobandi de novo emergat, aut si prius exitit, fuit incognita, ut si inimicitiae capitales inter producentem, & testem supervenerint. 2. Si producens videat, quod testes à se producti contradicant sibi ipsis, vel unus, aut plures alijs à se producti, aut quod deponant pro Adversario, contra quem producti sunt. Ratio est, quia producens non censetur approbare, qua testes dicturi sunt, cum ea necdum scire potuerit.

Neque obstat, quod producens Instrumentum reprobare illud non amplius possit; nam hic potuisset, & debuisset prævidere, an illud faciat pro se, vel contra se, antequam illud produceret. At verò is, qui testes producit, prævidere non potest, quid dicturi sint in Judicio; quia saepe variant, & postquam per levitatem prius steterunt producente, Juramenti dein Religione accedente, partes Adversarij amplectuntur, quia perjurium horrent.

T I T U L U S XXI.

De Testibus cogendis, vel non.

1. Testes compelli possunt ad testificandum.
2. Servato tamen ordine inter paenas.
3. Excipiuntur parentes contra liberos, & vicissim.
4. Consanguinei, & affines.
5. Conjuges &c.
6. Doctrina traditæ limitatio.
7. Discrimen inter privilegiatos, & non privilegiatos.
8. In loco Judicij non tenentur deponere senes, infirmi, pauperes.
9. Longè distantes, Milites, personæ egregie.
10. Doctores.
11. Clerici, & Religiosi ad testificandum compelli nequeunt a Seculari.
12. Possunt ab Ecclesiastico, & suo Judice.
13. Cause, in quibus compelli testis ad testificandum potest.
14. Exceptions.
15. 16. 17. 18. Quando testis compelli possit ad testificandum in causa criminali?
19. 20. An in hac testificans contra reum Irregularis fiat?

Sæpe contingit, ut aut metu, aut odio, vel amore, aut alia quacunque ex causa testes à parte rogati, vel à Judice citati venire renuant, aut si veniant, testificari reculent. Hinc quid eo casu faciendum sit Judici, discutitur præsenti Titulo.

Quæritur 1. an Testes compelli possint a Judice ad ferendum testimonium? 2. posse ad id compelli, si rogati, & vocati ferre testimonium renuant, nec causam, quæ ipsos excusat, afferant. Ita statutum utroque Jure Canonico quidem per Rubricam, & textus b. tit. Civilis autem l. si constituto 10. l. si quando 19. & Autb. seq. C.

de testib. Ratio est, quia publicè utile est ex veritatis occultatione nemini interverti Jus suum, quod tamen fieret, si testes à ferendo testimonio se possent subtrahere.

Coguntur autem testes, quando idonei sunt, Jure Civili, vel indicata mulier pecuniariâ l. un. ff. *siquis jus dicent. non obtemp. vel captis pignoribus ad exemplum Tutorum, & Curatorum satisfare nolentium*; aliquando etiam per confiscationem bonorum & bannum. Gaill. l. 1. obs. 100. n. 10. & seqq. Jure Canonico, antequam Judex Ecclesiasticus ad coactionem testium, recusantium testificari, descendat, monendi sunt antea, & si moniti, amore, aut favore unius